



**Minneapolis Lub Tuam Tsev Hauj Lwm
Ntsig Txog Tub Ceev Xwm
Phau Ntawv Qhia Siv Txoj Cai thiab Txheej
Txheem**

Nab Npawb:
7-800

Xuv Xya – Cov Kev Ua Hauj Lwm Sab Nrau

Kev teb thiab Xa Neeg Tawm

7-807 Kev Siv Cov Aub Uas Tau Txais Kev Tso Cai
(05/21/96) (02/16/23)

I. Lub Hom Phiaj

Cov aub tub ceev xwm yog cov muaj nuj nqis rau MPD vim yog cov aub lub peev xwm hniav tau ntxhiab zoo, hnov lus, khiav ceev thiab muaj kev ncaj ncees. Kev siv cov aub yuav tsum ua raws li cov txheej txheem uas tswj lawv qhov kev siv raws li phim thiab ua kom lawv cov kev muaj peev xwm tshwj xeeb dhau mus ua cov cuab yeej kev yuam siv kev cai lij choj thiab kev ncaj ncees.

II. Cov Ntsiab Lus Txhais

Kev Ntes: Thaum tus aub tub ceev xwm koom nrog kev tes tus neeg uas xav tias muaj kev txhaum txhawm rau ua zoo los ntes lawv.

Kev Kav Tswj Aub: Qhov no suav nrog tus Thawj Coj Saib Xyuas ntawm feem hauj lwm saib xyuas lub chaw saib xyuas Aub, thiab tus Lieutenant thiab Cov Thawj Tub Ceev Xwm ntawm lub chaw saib xyuas Aub.

Kev Siv Aub: Thaum twg muab tus aub coj los siv rau sab nrau zoov los cob qhia lossis ua ib qho qauv.

Tus Neeg Coj Aub: Minneapolis tus tub ceev xwm uas muaj kev cob qhia tshwj xeeb los siv aub.

Pab Pawg Neeg Ua Hauj Lwm Nrog Aub: Minneapolis tus tub ceev xwm uas tau txais kev cob qhia tam li yog tus neeg coj aub uas ua hauj lwm nrog rau MPD tus aub.

Muaj Ntawv Pov Thawj (Ntawv Pov Thawj): MPD pab pawg neeg ua hauj lwm nrog aub uas ua dhau Teb Chaws Mes Kas Lub Koom Haum Aub Tub Ceev Xwm (United States Police Canine Association, USPCA) Qhov Kev Sim Tom Tshav Puam Nyob Rau Hauv Cheeb Tsam los sis lwm lub chaw uas muaj kev lees txais uas tau txais kev pom zoo los ntawm Kev Kav Tswj Aub.

Lub Chaw Uas Muaj Kev Lees Txais: Lub chaw uas muaj kev lees paub uas tau txais kev pom zoo los ntawm Kev Kav Tswj Aub, uas muaj lub luag hauj lwm rau kev teeb tsa cov qauv cai muab ntawv pov thawj thiab ua tej cov kev sim uas yuav tsum tau muaj. Raws li ncuva dav lawm

lub chaw uas muaj kev lees txais yog Teb Chaws Mes Kas Lub Koom Haum Aub Tub Ceev Xwm (United States Police Canine Association, USPCA).

Cov Kev Sim Tom Tshav Puam:

Kev Sim Tom Tshav Puam Nyob Rau Hauv Cheeb Tsam: Qhov kev sim tom tshav puam txhawm rau kom tau ntawv pov thawj tau ua thiab tau ua tswv cuab los ntawm lub chaw lees txais uas tau txais kev pom zoo.

Kev Sim-Me: Cov kev sim tom tshav puam uas me-me uas tau ua tswv los ntawm cov chaw sawv cev, tab sis tau txais kev pom zoo thiab tau txais kev pab txhawb los ntawm lub chaw lees txais uas tau txais kev pom zoo.

III. Txoj Cai

A. Kev Lav Ris Tib Leeg Ntawm Tus Neeg Coj Aub

Tus Neeg Coj Aub yuav muaj kev lav ris tib leeg rau qhov kev siv kiag tiag - tiag uas zoo tshaj plaws thiab kev siv lawv tus aub nyob rau txhua xwm txheej.

B. Tshaj Tawm rau Tus Tub Ceev Xwm Muab Qib Nyob ntawm Qhov Chaw Muaj Xwm Txheej

1. Ncuaj sij hawm kev siv rau kev ua hauj lwm, tus neeg coj aub uas tau txais lub luag hauj lwm yuav tshaj tawm rau tus tub ceev xwm muab qib nyob ntawm qhov chaw muaj xwm txheej.
2. Cov thawj tub ceev xwm saib xyuas aub thiab cov tub ceev xwm saib xyuas aub yog txhua tus neeg coj aub uas nquag.

C. Cov Kev Siv Uas Tau Tso Cai

Tej zaum lub tuam tsev hauj lwm cov aub yuav raug siv rau cov xwm txheej txuas mus no, thaum uas muaj raug raws li cov yam ntxwv uas tau cuam tshuam nyob rau hauv txoj cai no:

- Kev tshawb nrhiav los sis kev ntes cov neeg uas xav tias muaj kev txhaum.
- Kev nrhiav cov neeg uas ploj los sis pawv.
- Kev tshawb nrhiav foob pob, yeeb tshuaj los sis lwm yam pov thawj.
- Kev ceev kev ruaj ntseg ntawm MPD thiab Lub Nroog qhov khoom thiab vaj tsev.
- Kev coj los mus siv ua qauv rau ib tsoom pejxeem, yuav tsum tau kev tso cai los ntawm tus Thawj Saib tswj Chav Aub.

D. Cov Kev Siv Uas Raug Txwv

Lub tuam tsev hauj lwm cov aub yuav tsis raug siv rau tej lub twg ntawm cov hom phiaj txuas mus no:

- Cov hom phiaj tswj neeg nyob ua npoj coob nyob rau hauv cov kev sawv tawm tsam nom tswv los sis cov kev kwv paib tawm tsam kev ncaj ncees.
- Kev tshawb nrhiav cov tsiaj.
- Cov hom phiaj kev rau txim rau cov neeg uas xav tias muaj kev txhaum.
- Rau kev ua hauj lwm nyob sab nrauv lub luag hauj lwm (saib raws li P&P 3-800).

E. Cov Xwm Txheej Muaj Kev Phom Sij

Tsis tsim nyog tso cov aub rau hauv cov xwm txheej muaj kev phom sij yam uas tsis muaj kev tsim nyog.

IV. Cov Txheej Txheem/Cov Kev Cai

A. Kev Tshawb Nrhiav los sis Kev Ntes Cov Neeg Uas Xav Tias Muaj Kev Txhaum

1. Tej zaum lub tuam tsev hauj lwm cov aub yuav raug siv rau kev tshawb nrhiav los sis kev ntes tus neeg uas xav tias muaj kev txhaum yog tias:
 - a. Tus neeg coj aub muaj kev ntseeg yam uas muaj kev tsim nyog tias tus neeg ntawd tau ua los sis tab tom yuav ua qhov kev txhaum loj, *thiab*
 - b. Muaj tej qhov twg ntawm cov yam ntxwv txuas mus no:
 - Muaj kev ntseeg yam uas muaj zoo laj thawj tias tus neeg ntawd tso hem tawm yuav siv dag zog los sis ua phem rau zej tsoom, tej tus tub ceev xwm twg, los sis tus neeg coj aub.
 - Tus neeg ntawd tawm tsam qhov kev ntes los sis nrhiav hauv kev zam qhov kev ntes thiab kev siv tus aub yog lub zog uas muaj kev tsim nyog yam uas muaj zoo laj thawj raws li cov xwm txheej txhawm rau ua kom muaj yeej qhov kev tawm tsam uas hais los ntawd los sis pov thaiv kev khiav tawm ntawm tus neeg uas xav tias muaj kev txhaum.
 - Muaj kev ntseeg tias tus neeg ntawd nkaum nyob rau hauv ib cheeb tsam uas lwm tus neeg uas tsis yog tus aub nkag mus yuav tsim ua rau muaj kev tso hem thawj rau kev nyab xeeb ntawm cov tub ceev xwm los sis zej tsoom.
2. Thaum tau siv cov aub pab ntes neeg, cov neeg cab aub yuav tso lawv cov aub kom sai li sai tau yam uas muaj zoo laj thawj tom qab tus neeg uas xav tias muaj kev txhaum tuaj yeem tswj tau los sis muaj kev ruaj ntseg.

B. Cov Kev Ceeb Toom

1. Yog tias ua tau, yuav tau muab kev ceeb toom los ntawm ncauj kom nrov kom tus neeg uas xav tias muaj kev txhaum los sis lwm tus neeg hnov ua ntej tej qhov kev siv tus aub tub ceev xwm. Qhov kev ceeb toom no yuav tsum muaj txhua yam ntawm cov txuas mus no:
 - Qhov kev txheeb xyuas ntawm MPD.

- Tias tau tso aub lawm.
 - Tias tus neeg phem nyob rau hauv kev raug ntes lawm.
 - Tias tej zaum tus aub yuav tom tus neeg phem.
2. Tej zaum yuav muaj cov xwm txheej uas ua rau tsis muaj kev nyab xeeb rau tus neeg coj aub uas yuav muab kev ceeb toom ntawm ncauj yog tias tus neeg coj aub li kev nyab xeeb los sis qhov kev nyab xeeb ntawm lwm tus tau poob rau qhov muaj kev phom sij.

C. Cov Kev Raug Mob thiab Cov Kev Ntes

1. Cov kev raug mob los ntawm tus aub
 - a. Saib raws li P&P 5-301, cov tub ceev xwm muaj lub luag hauj lwm ua kom ntseeg siab tias tej tus neeg uas raug mob los ntawm MPD tus aub tau txais kev kho mob sai li sai tau.
 - b. Cov tub ceev xwm yuav thov tshab thauj neeg mob tuaj rau ntawm qhov chaw uas muaj xwm txheej thaum uas muaj neeg raug ntes los ntawm aub.
 - c. Cov neeg cab aub yuav thauj duab txhua cov kev raug mob thiab ua kom ntseeg siab tias cov duab raug rub nkag raws li P&P 10-400 lawm.
2. Kev ceeb toom rau Cov Thawj Tub Ceev Xwm hais txog qhov kev ntes

Tus neeg cab aub yuav ceeb toom rau Cov Thawj Tub Ceev Xwm Saib Xyuas Aub tam sim ntawd tom qab tej tus aub twg ntes los sis tom yam uas tsis yog txhob txwm.

- a. Cov tub ceev xwm yuav raug nug los ntawm lub chaw saib xyuas aub cov thawj coj saib xyuas kev ua hauj lwm thiab cov neeg cob qhia kom sai li sai tau tom qab muab kev ceeb toom.
 - b. Yog tias Tus Thawj Tub Ceev Xwm Saib Xyuas Aub tsis khoom, ces tej zaum yuav thov MPD lwm tus thawj tub ceev xwm los ua qhov kev tshab xyuas kev siv dag zog.
3. Daim foos tshab xyuas

Thaum ceeb toom txog aub tom los sis aub ntes, Tus Thawj Tub Ceev Xwm Saib Xyuas Aub yuav tau ua kom tiav Lub Chaw K-9 daim foos Kev Tshab Xyuas Txhij Txhua (MP-9090) thiab muab xa hauv es lev taus niv mus rau cov tswv cuab ntawm pab pawg txiav txim kev tshab xyuas.

4. Cov kev raug mob rau tus neeg coj aub los sis tus aub
 - a. Tus neeg coj aub yuav ceeb toom rau Tus Thawj Coj Tub Ceev Xwm Saib Xyuas Aub tam sim ntawd yog tias tus neeg coj aub los sis tus aub muaj kev raug mob loj uas yuav tsum muaj kev kho mob tam sim ntawd.

- b. Yog tias tus aub raug mob nyob rau hauv Txoj Kab Lub Luag Hauj Lwm, ces tus neeg coj aub yuav ua kom tiav daim ntawv tshaj tawm uas siv tus khauj K9ASLT.
5. Tus neeg coj aub tsis tuaj yeem txib tau tus aub
- Txhua cov tub ceev xwm yuav ua zoo saib rau tus qauv kev nqis tes txuas mus no nyob rau xwm txheej uas tus neeg coj aub raug mob thiab tsis tuaj yeem txib tau lawv tus aub:
- a. Thov lwm Tus Neeg Coj Aub los sis Tus Thawj Coj Tub Ceev Xwm Saib Xyuas Aub mus rau qhov chaw muaj xwm txheej, los sis
- b. Tso Tus Tub Ceev Xwm Saib Xyuas Aub lub tsheb ntawm pab pawg neeg ua hauj lwm nyob ze rau ntawm Tus Tub Ceev Xwm uas raug mob, thiab:
- i. Txib Tus Aub mus rau hauv "lub nkuaj aub," los sis
- ii. Ntxias tus aub mus rau tom qab lub tsheb ceevxwm uas siv aub ib yam khoom uasi uas nyob rau hauv lub tsheb ntxias xws li Lub Pob Roj Hmab Rau Aub Ntxo, Txoj Hlua Rau Aub Ntxo los sis Lub Hnab Looj Caj Npab Rau Aub Tom uas feem ntau lawm tau muab ntim rau tom pob tw ntawm pab pawg neeg ua hauj lwm txog Aub lub tsheb.

D. Cov Kev Tshawb Nrhiav Lub Tuam Tsev

1. Kev siv tus aub los tshawb nrhiav lub vaj tsev, pab txo kev pheej hmoo rau cov tub ceev xwm. Kev ncig xyuas raws li ib txwm tsis tsim nyog tshawb nrhiav lub vaj tsev yog tias lub chaw saib xyuas aub twb ua lawm.
1. Dhau ntawm lwm cov yam ntxwv nyob rau hauv txoj cai no, yuav muaj cov cai teeb tseg txuas mus no rau cov kev tshawb nrhiav tuam tsev rau tus neeg uas xav tias muaj kev txhaum:
- a. Ua ntej siv tus aub, tus neeg coj aub yuav tau ua kom ntseeg siab tias cheeb tsam ntawd yeej tsis muaj pej xeem neeg thiab cov neeg ua hauj lwm tub ceev xwm.
- b. Cov neeg coj aub yuav tau muab kev ceeb toom ntawm ncauj nyob rau sab hauv lub tuam tsev ua ntej kev siv aub, yog tias ua tau.
- c. Cov neeg coj aub yuav tsum tau rov ceeb toom dua nyob rau hauv lub tuam tsev uas dav los sis muaj ntau tshooj raws li muaj kev tsim nyog thiab raws li mus taus.
- d. Cov neeg coj aub yuav tsis niaj zaus tshawb nrhiav cov tuam tsev rau cov kev hu ceeb toom yog tias tsis muaj qhov qhia tau tias muaj kev yuam kom nkag mus . Yog tias cov tub ceev xwm xav tias qhov zoo tshaj yog cia tus aub mus tshawb, tus aub yuav tsum raug khi hlua.

E. Cov Kev Tshawb Nrhiav Hauv Cheeb Tsam

Dhau ntawm lwm cov yam ntxwv nyob rau hauv txoj cai no, yuav muaj cov cai teeb tseg txuas mus no rau cov kev tshawb nrhiav hauv cheeb tsam rau tus neeg uas xav tias muaj kev txhaum:

1. Yog tias tus neeg uas xav tias muaj kev txhaum tau khiav tawm thiab raug caum qab uas siv tus aub:
 - a. Tus neeg ua hauj lwm nyob rau hauv qhov chaw muaj xwm txheej yuav tau ceev kev nruaj ntseg ntawm qhov chaw muaj xwm txheej kom txog thaum pab pawg neeg ua hauj lwm nrog aub tuaj txog.
 - b. Txhua tus neeg ua hauj lwm yuav tsum tau nyob rau ntawm cheeb tsam uas tsis muaj neeg uas pom tus neeg xav tias muaj kev txhaum zaum kawg nkaus.
2. Thaum tau siv tus aub, txhua tus neeg ua hauj lwm tshwj tsis yog cov uas tau txais lub luag hauj lwm los pab tus neeg koj aub yuav tau nyob nrug deb ntawm tus neeg koj aub thiab tus aub. Tus neeg ua hauj lwm yuav tsum txhob ua dab tsi los tab kaum tus aub.
3. Yuav tsum muab tus aub khi hlua ntev ntev rau lub sijhawm tshawb nrhiav ib cheeb tsam rau, thaum twg los xij tsuas yog muaj zoo laj thawj thiab txhob cuam tshuam rau tub ceev xwm li kev nyab xeeb.

F. Cov Kev Tshawb Nrhiav Yeeb Tshuaj

1. Cov tub ceev xwm yuav tsum muaj kev ua xyem xyav yam uas muaj zoo laj thawj, tuaj yeem piav qhia tau tias cov yeeb tshuaj tau cuam tshuam ua ntej ua kev tshawb nrhiav yeeb tshuaj uas siv tus aub. Txwv tsis pub khwv yees tshawb nrhiav cov yeeb tshuaj.
2. MPD tej tus aub uas raug siv rau kev nrhiav yeeb tshuaj yuav tsum tau ua kom tiav MPD Tus Qauv Kev Cob Qhia Kev Nrhiav Yeeb Tshuaj Ntawm Aub.
3. MPD tej tus aub uas raug siv rau kev nrhiav yeeb tshuaj yuav tsum yog cov yeeb tshuaj uas muaj kev lees txais los ntawm lub chaw lees txais uas tau txais kev pom zoo.
4. Tus neeg koj aub yuav tsum tau ua kom tiav daim ntawv qhia hais txog qhov kev tshawb nrhiav nyob rau hauv daim ntawv tshaj tawm kev txhaum nyob rau tej lub sijhawm uas tau siv aub tshawb nrhiav yeeb tshuaj.

G. Cov Kev Tshawb Nrhiav Foob Pob

1. MPD tej tus aub uas raug siv rau kev nrhiav foob pob yuav tsum tau ua kom tiav MPD Tus Qauv Kev Cob Qhia Kev Nrhiav Foob Pob Ntawm Aub.
2. MPD tej tus aub uas raug siv rau kev nrhiav foob pob yuav tsum yog cov foob pob uas muaj kev lees txais los ntawm lub chaw lees txais uas tau txais kev pom zoo.

3. Nyob rau xwm txheej uas muaj kev tso hem thawj caws foob pob, yuav tsum tau ua raws li cov txheej txheem nyob rau hauv P&P 7-800.
4. Yog tias tus aub raug siv rau qhov kev tshawb nrhiav foob pob, ces tus neeg coj aub yuav txiav txim txoj hauv kev ua txuas mus ntxiv uas zoo tshaj plaws.
5. Yuav muaj kev hu rau MPD Pab Pawg Neeg Ua Hauj Lwm Yaws Foob Pob yog tias pom tej yam khoom uas ua xyem xyav tias tsam yog foob pob. Yuav tsis muaj kev siv tus aub yog tias pom tej qhov khoom uas ua xyem xyav tias tsam yog foob pob, tshwj tsis yog Pab Pawg Neeg Ua Hauj Lwm Yaws Foob Pob tau thov.

H. Kev Tshawb Nrhiav Cov Neeg Uas Pawv los sis Ploj

1. Tej zaum yuav tau siv cov aub caum qab los sis nrhiav cov neeg uas tsis yog cov neeg xav tias muaj kev txhaum, uas suav nrog tab sis tsis tag rau, cov me nyuam uas pawv lawm, cov neeg uas ploj lawm, los sis cov tib neeg uas tej zaum poob zoo lawm los sis xav tau kev saib xyuas fab kev kho mob. Tus neeg coj aub yuav txiav txim qhov phim ntawm tus aub rau cov hauj lwm uas tau txais kev muab cob uas hais los ntawd uas saib raws li cov yam ntxwv thiab cov peev xwm ntawm tus aub.
2. Dhau ntawm lwm cov yam ntxwv nyob rau hauv txoj cai no, yuav muaj cov cai teeb tseg txuas mus no rau kev tshawb nrhiav los sis caum qab cov neeg uas tsis yog cov neeg xav tias muaj kev txhaum:
 - a. Yog tias tsis muaj kev hloov pauv hauv cov xwm txheej uas yog qhov kev tso hem thawj rau cov tub ceev xwm, tus aub los sis zej toom, ces yuav tsum tau cov siv aub muaj hluas los sis raws li cov xwm txheej uas txo qhov muaj feem uas tus aub yuav tom los sis tsim kev raug mob rau tus tib neeg ntawd, thaum nrhiav tau.
 - b. Thoob plaws qhov kev siv aub, tus neeg coj aub tsim nyog muab kev lav ntawm ncauj raws ncau sij hawm tias tus aub yuav tsis tsim kev raug mob los sis tom tus neeg ntawd thiab tsim nyog pab txhawb kom tus neeg ntawd qhia lawv tus kheej.

I. Tus Neeg Coj Aub Cov Luag Hauj Lwm thiab Cov Kev Lav Ris

1. Tus neeg coj aub yuav muaj kev lav ris rau qhov kev siv kiag tiag - tiag uas zoo tshaj plaws thiab kev siv lawv tus aub nyob rau txhua xwm txheej.
2. Thaum tus aub tsis cuam tshuam rau lub luag hauj lwm tub ceev xwm, tus neeg coj aub yuav tsum ceev kev ruaj ntseg ntawm tus aub nyob rau hauv lub tsheb tub ceev xwm.
3. Cov neeg coj aub yuav tsum ceev cia lawv tus aub kom muaj kev ruaj ntseg thaum nyob sab hauv lawv lub tsheb.
 - a. Yuav tsum qhib siv txheej teg kev ua hauj lwm kuaj xyuas qhov kub-txias uas ceeb toom xwm txheej ceev nyob rau txhua sij hawm nyob rau ncau sij hawm lawv kab hauj lwm.

- b. Cov neeg coj aub yuav tsum tsis txhob cia daim kem nkuaj uas cais pem qab nkuaj thiab lub rooj zaum pem hauv ntej qheb, rau thaum tus aub tseem nyob hauv lub tsheb.
4. Yuav tsum tsis txhob siv cov tsheb thauj aub los ceev cia, xam phaj los sis thauj cov neeg uas xav tias muaj kev txhaum los sis cov neeg raug ntes yam uas tsis muaj kev pom zoo ua ntej ntawm tus thawj coj saib xyuas. Tsis tsim nyog siv cov tsheb thauj aub los thauj cov neeg ua pov thawj tim khawv los sis cov neeg raug mob tshwj tsis yog muaj cov xwm txheej uas yog xwm txheej ceev.
5. Cov aub yuav raug muab coj mus cia rau hauv cov cheeb tsam uas zej tsoom tuaj yeem nkag tau, tshwj tsis yog tus aub raug siv rau lub hom phiaj tub ceev xwm tshwj xeeb.
6. Tus neeg coj aub yuav ceeb toom rau Tus Thawj Coj Tub Ceev Xwm Saib Xyuas Aub tam sim ntawd yog tias muaj lus txib kom ua tej yam uas yuam txoj cai los sis kev cob qhia ntawm lub chaw.
7. Tus neeg coj aub muaj lub luag hauj lwm rau qhov kev noj qab haus huv, kev saib xyuas thiab kev pub lawv tus aub. Tus neeg coj aub yuav tsis tso cai rau leej twg dhau ntawm tus neeg coj aub, lawv tsev neeg kiag los sis tus neeg ua hauj lwm uas tau txais kev tso cai los saib xyuas los sis pub tus aub.

J. Tus Thawj Coj Tub Ceev Xwm Saib Xyuas Aub Cov Luag Hauj Lwm thiab Cov Kev Lav Ris

1. Tus Thawj Coj Tub Ceev Xwm Saib Xyuas Aub yuav tshem pab pawg neeg ua hauj lwm nrog aub tawm ntawm kev pab cuam tam sim ntawd uas tsis tau txais kev lees txais los ntawm lub chaw lees txais uas tau txais kev pom zoo qhov kev sim tom tshav puam nyob rau hauv cheeb tsam, thiab yuav ua kom muaj kev ntseeg siab tias pab pawg neeg ua hauj lwm muaj kev nthuav qhia ua rau pom lub peev xwm ua ntej rov qab mus rau qhov kev pab cuam.
2. Cov Thawj Coj Tub Ceev Xwm Saib Xyuas Aub muaj cai los tshem tej Pab Pawg Neeg Ua Hauj Lwm Nrog Aub tawm ntawm kev pab cuam tam sim ntawd yog tias cov thawj coj saib xyuas hauj lwm txiav txim tias pag pawg neeg ua hauj lwm nrog aub ua hauj lwm tsis tau siab. Cov pab pawg neeg ua hauj lwm nrog aub uas muaj kev lees txais los ntawm qhov kev sim tom tshav puam uas tau txais kev pom zoo tab sis qhia ua rau pom muaj qhov ua tsis tau zoo nyob rau hauv cov fab kev tswj yuav raug tshem tawm ntawm txoj hauj lwm ncig xyuas txhawm rau rov qab mus ua kev cob qhia dua.
3. Tus Thawj Coj Tub Ceev Xwm Saib Xyuas Aub yuav saib xyuas cov teeb meem uas tau cuam tshuam rau aub thiab cov kev hnyav siab uas tau qhia.
4. Tus Thawj Coj Tub Ceev Xwm Saib Xyuas Aub yuav teeb tsa thiab muab yam pab kev yooj yim rau lub rooj sib tham txhawm rau nug qhov xwm txheej tseem ceeb uas cuam tshuam rau cov pab pawg neeg ua hauj lwm nrog aub.

K. Kev Cob Qhia

1. Txhua pab pawg neeg ua hauj lwm nrog aub uas ncig xyuas yuav tsum muaj kev lees txais ib xyoos ib zaug los ntawm qhov kev sim tom tshav puam nyob rau hauv cheeb tsam uas tau txais kev pom zoo.
 - a. Tej pab pawg neeg ua hauj lwm nrog aub uas tsis muaj kev lees txais los ntawm qhov kev sim tom tshav puam nyob rau hauv cheeb tsam uas tau txais kev pom zoo yuav raug tshem tawm ntawm kev pab cuam tam sim ntawd.
 - i. Pab pawg neeg ua hauj lwm yuav tsis rov qab mus rau ntawm qhov kev pab cuam kom txog thaum ua tiav qhov rov cob qhia thiab tag ntawd muaj kev qhia ua rau pom txog lub peev xwm nyob rau txhua fab ntawm txoj hauj lwm ncig xyuas.
 - i. Pab pawg neeg ua hauj lwm yuav tsum koom nrog qhov kev sim tom tshav puam nyob rau hauv cheeb tsam uas tau txais kev pom zoo uas muaj tom ntej, los sis qhov kev sim me - me uas tau txais kev pom zoo yog tias tsis muaj qhov kev sim nyob rau hauv cheeb tsam.
 - ii. Tej pab pawg neeg ua hauj lwm nrog aub uas tsis muaj kev lees txais nyob rau hauv ob qho kev sim tom tshav puam nyob rau hauv cheeb tsam uas tau txais kev pom zoo sib law liag, los sis ua tsis tau qhov kev sim me - me uas tau txais kev pom zoo tom qab kev ua tsis tau qhov kev sim tom tshav puam nyob rau hauv cheeb tsam uas tau txais kev pom zoo, yuav raug tshem tawm ntawm Lub Chaw Saib Xyuas Aub tom qab Kev Kav Tswj Tus Aub tau tshab xyuas qhov xwm txheej.
2. Txhua pab neeg ua hauj lwm nrog aub yuav tsum tau cob qhia lawv tus aub kom paub nrhiav foob pob lossis paub nrhiav tshuaj yeeb tsis pub dhau ib xyoo tom qab kawm tiav qhov Kaum ob lub limtiam kev cob qhia ntawm MPD Lub Tsev Kawm Ntawv Aub Uas Ncig Xyuas Theem Pib , thiab yuav tsum muaj kev lees txais lawv tus aub nyob rau hauv lawv qhov kev kuaj tshwj xeeb ib xyoos ib zaug los ntawm Tus Qauv Kev Ua Pov Thawj Kev Kuaj los ntawm lub chaw lees txais uas tau txais kev pom zoo.
3. Cov neeg coj aub yuav ua kom ntseeg siab tias muaj kev ua ntaub ntawv rau kev cob qhia txhua tus neeg coj aub thiab tus aub, saib raws li P&P 2-501.